

EMPRESS D.O.O. ZAPOČEO PROIZVODNJU VLASTITOG BRENDA KECELJA "QUEEN OF GARDEN"

Ona je nešto više od obične kecelje! Savršen spoj mode i odlične funkcionalnosti, namijenjena svim dama koje vole da rade bez limita.

Brend 'Queen of Garden' je inovativna ideja, kojom Empress d.o.o. želi doći do proširenja asortimana proizvoda, te uvesti nešto novo na tržište. Ideja kreće u savremenom dobu kada se mijenja svijest ljudi, koji nastoje provoditi više vremena u prirodi i zdravom okruženju, radije nego u kancelarijama ili zagušljivim mjestima. Uzimajući u obzir ovu činjenicu i susrećući se sa ženama koje rade u vrtovima, baštama ili cvjetnjacima kompanija Empress d.o.o. uočila je nedostatak adekvatne, unikatne i inovativne opreme za rad te su krenuli u ovu priču.

Odjeća i oprema linije 'Queen of Garden' namijenjena je za vrt i baštu, te je izrađena prema najnovijim evropskim standardima od viskotehnoških i inovativnih materijala, koji uz udobnost pri nošenju pružaju optimalnu zaštitu prilikom rukovanja sa različitim alatom.

Asortiman proizvoda obuhvata uglavnom kecelje sa cvjetnim dezenima inspirisane modernim notama, te u planu imaju uskoro predstaviti i radne kombinezone, hlače i šorceve, majice, kecelje, kaiševe i torbice za alat.

KECELJA SA MOTIVIMA BOSANSKE TRADICIJE

Unikatna kecelja u setu sa ceckerom, izrađena od keper materijala sa minimalnim gužvanjem i koja se može koristiti u više svrha, jednostavno sama priča priču života ovdašnjeg naroda svojim bosanskim motivima.

KECELJA URBAN MODEL

Za sve one koji žele biti u trendu i isticati se pored drugih ? Ova kecelja od keper materijala sa svojim decentnim, ali ipak upečatljivim detaljima, će i to pružiti.

KECELJA "QUEEN OF GARDEN"

Za one koji često bježe od posla i stresnog života da bi uživali svakog trenutka u svom vrtu, cvjetnjaku ili čak možda na balkonu sa svojim biljkama ?

Keclja " Queen of Garden" osim maksimalne udobnosti pruža osjećaj kao kraljice/kralaj biljnog carstva.

KECELJA VRTNA KRATKA

Ona je nešto više od obične kecelje koja će Vas prekriti. Savršen spoj mode i odlične funkcionalnosti, namjenjena svim onima koji vole da rade bez limita.

NOVOGODIŠNJA KECELJA KRATKA I VELIKA

Za sve one koji ne vole lude izlaske uoči novogodišnjih ili nekih drugih praznika, upravo su ove višenamjenske kecelje od kepera odličan poklon, onima koji uživaju u miru svog doma sa svojim najmilijima, praveći praznične kolače i jela.

Empress d.o.o. je relativno mlada firma koja je nastala 2017 godine.

Svoj primarni proces proizvodnje radne zaštitne opreme su odlučili zamjeniti s proizvodnjom jednokratnih i višekratnih maski za lice, zbog nestašice medicinskih maski i nastankom pandemije virusa COVID-19.

Pandemija je imala i negativan efekat na poslovanje Empressa kad su im odmah otkazani ranije ugovoreni poslovi i narudžbe za Hrvatsku i Austriju.

Želja za nastavkom poslovanja i zadržavanje radnika rezultirala je donacijama maski za lice prvenstveno preduzećima iz grada Zenice kojim je bio zabranjen rad, zatim najosjetljivijoj kategoriji stanovništva starim i iznemoglim licima u Domu za stara lica i Domu penzionera, te Domu za porodicu Zenica.

Nakon prvih donacija, počeli su stizati i upiti za maske. Cijeli mjesec mart isključivo su šili maskice prema zahtjevima kupaca. To su bile jednokratne maske od polipropilena za koji imaju i certifikat, te višekratne maske od pažljivo biranog pamuka.

Pozitivna strana poslovanja Empressa u toku pandemije je ta što je rastao i broj kupaca, te se kvalitet maskica prepoznao i izvan BiH u Švicarskoj.

S nekim kupcima maskica nastavljena je saradnja i danas kad se situacija smirila oko pandemije, te su počeli sa narudžbama medicinskih i ugostiteljskih uniformi, I kecelja iz asortimana za vrt i baštu „Queen of Garden „. Već u mjesecu maju izvezene su i prve kecelje za Austriju.

Sve vrijeme poslovali su po ISO standardima 9001:2015 i 14001: 2015, uz sve preventivne zaštite radnika na radnom mjestu protiv virusa COVID-19.

Iz Empressa dodatno ističu: “S obzirom na trenutnu situaciju koja vlada na teritoriji Bosne i Hercegovine (a i šire) i otežano poslovanje svih privrednika, jako je bitno i jedini način je da se pomažemo između sebe, i država bi trebala imati malo više sluha i brže reagovati na ovako tešku situaciju, jer mi nismo dobili još subvenciju za doprinose od države koju čekamo od mjeseca maja.”